


Okutoburuikalo san 2017
San 45nan-Boko 549nan
Songo=dorome 35



Kunnafoniseben bota kalo o kalo - BP : 24 - Téléphone : 20.21.21.04 Kibaru bugufiyé Bosola Bamako

Fanga sinamatow
ka kunnafonidilajéba
jamana taabolo kan

N° 8

Jamanakuntigi ka taama Kayi, wulakonomusow togoladon kene kan

Tuma min na jamanakuntigi Ibarahim Bubakari Keyita cunna Kayi Dagi-Dagi pankurunjinginkene kan, ntendend, okutoburukalo tile 16, san 2017, a n'a nofemogow ye Medini sira ta. Kayini Medinice yekilometere 12 pogonna ye.

Djé kono, okutoburukalo tile 16 kerénen don ka ke dunkafa don ye. Ninan ta masalakun tun ye «An ka yéléma don an ka sigiyoroyelema kékun na, ka nafolo don dunkafa sabatili dafé n'an ka sigidalabaarawayiriwaliye». Donkelen min fana kerénen don wulakonomuso togo la, o masalakun tun ye «ka dō fara wulakonomuso ka senyerekoré fanga kan nafoloko la ni sene kécogo feére kuraw ye».

Medini komini bē wele Awa Dénbaya. Medini dugutigi Sori Ibarahim Jalo folo ye kuma ta, k'aka nisondiya jira jamana keli la ka djé togoladon dunkafa sabatili ani wulakonomuso togoladon fila bēe wulikajo ke a ka dugu kono. A ka bisimilalikorofow kono, a. ye lajini



Jamanakuntigi ye bonyamaseginseben di wulakonomuso 12 pogonna m

damado ke ka nesin jamanakuntigi ma : Medini sigibaa folo n'a bɔnsɔnwa ka kaburudo koorili b'o la.

Koba fila in hukumu kono, jamanakuntigiyewalenumandōnlase

wulakonomusow ma. Ak'uyedənniya minnu soro u ka baaraw kécogo numan na, ko mögö bë se k'a waso n'o ye. U n'o deme ka kan, u bë fo u baarakébolo la. A k'u ye fen o fen ke

musow ye, o ye musow ye min nini. Jamanakuntigi ka folo, ale naniye, ye jamana in yiriwali siraba ka kë sene, baganmara ani monni ye. A k'an te se ka kë fosi ye, n'an y'an kodon sene na. Mali dugukolo te fitiriwale ye, i mana baara min k'ala, a b'o nafa di i ma. A numan ye an k'ougukolo in lakana.

Jamanakuntigi ye bonyamaseginseben di wulakonomuso 12 pogonna ma, mimu ka kan ka kë misali ye mogotow bolo ka da u ka cesiri kan. A labanna ka maloworomasin 500 ahi maloturumansin 500 di Kayi wulakonomusow ma; ka pano solriw di Sésikomuw fana ma.

Jamanakuntigi ka taama tile filanan Kayi, a taara a ne da u ka baganfagayoro kura kan. O be iziniw sigiyorla. Okofe babili filanan min be ka jo, a taara o fana laje. O babili in kuntaala bëna ke m544 ye, k'a fiye ke m40 ye. A musaka be se sefawari

A to be ne 2n+an na

Yaalayaalafuraw bē ka tijeniw lase musow ma

Suguw falendonsisancenimusoya diyalanw na. U tabagaw n'u sanbagaw ka ca musow la, furulenw ani furubaliw, npogotiginni, bawalanninw ani musokoroba janjigwi. Nka fura lakodonnenw te minnu feereli yamaruyalen don furafeeresow la.

A bē fo fura suguya minnu ma yaalayaalafuraw, n'u saradalen bē nedaw kan, suguw la, n'u be segi, tasaw, npalanw ni bɔrew kono ka yaala n'u ye, o de don.

U songo b'a ta dorome tan na ka se keme ma.

A namarafura dōw bē yen, a bē fo k'olu bē muso ka npogotiya segin a ma. A dōw bē yen, a bē fo k'olu b'a to ni ce walim muso bē diyaba soro cenimusoya kuntaala janna. Adonna ce ni muso caman kun na kaban ko n'o fura kuntan ninnu te, u ka fura walima u ka kanu te se ka sabati. O


de y'a to n'u firilen bē fura ninnu kan su ni tile.

A fura lankolon ninnu togo ka ca. U b'a fōdōw ma «wonin», «gilasimugu», «bonbonnin», «wila kile», «watirikile», adw.

Muso minnu bē fura jugu ninnu ta, olu yere dama ye nōgon karamogow ye, ubé nōgonlaadi, ka nōgonbilasira, ka muso werew nini ka fara u kan, ka yaalayaalafurafeerelaw ka sugudiya.

Nka cenimusoya diyalan ninnu bē tijeni minnu lase musow ma ù da te se olu ma.

Fura ninnu tijenino ka bon. Dogotoro dōw nininkara, olu ka fo la, fura kolon ninnu bē joli bila musoyaminenw na, n'u ma furake, musoyaminenw bē toli k'u kasabò. A bē kakalaya juguya. N'u dorogora kojugu muso la, a te se bilen ka cenimusoya si ke n'a ma dōta. Oy'a soro a joli tijena kaban. A bē musoya



jibë sama ka bɔala, k'a to to sugobu jalan dama ye.

Musokoroba numan do y'a jira, ale yefarafinfurafeerelaw ye, ko cenimusoya diyalan matarafali ye ko koro ye an ka laadawla, nka a tun be ni farafinfuraw de ye.

Jogo ni ladamu ani kalan de tun don, musomannin tun be lambo ni min

ye fo ka taa se a ka jelasigi ma ni jirifaraw, binw ani dumunifén dōw ye, olu bëe tun be makoré cenimusoya sira kan.

Korolen bëe te numan ye nka n'an y'an kofile a dōw la, o ka fisa ni yaalayaalafuraw ye.

Mariyamu A. Tarawele
Mahamadu Konta

Iziniko yiriwali minisiri taara a ne da Farakó tedilan izini kan

Mogow tun kamanagannen don, u ta dón Farakó tedilan iziniko be cogo min. Nka sibiridon, okutoburukalo tile 7, Mali iziniw yiriwaliko minisiri Mohamédi Ali Agi Iburahimu taara Sikaso mara la. A taakun tun ye Farakóizini lajeliye. An'obaarakelaw sigira ka kuma. Hakilila min be Mali goférénaman na ka nesin izini in lawulili ma, a y'o da baarakelaw tulo kan ani Sikaso mara némogow. Minisiri ka fola, Farakóizini ye jamana kunna wolofén ye; bawo a nögönnä te Afiriki tilebinyanfanjamana wëre kono ni Mali te. Goférénaman lajini ye izini in ka lawuli, k'a ka baaraw damine teliya la.

Nka o be na ni ko caman ye. Minen kuraw ka kan ka san. N'o kera mogó minnu bëna baara ke n'olu ye fo olu ka dege, k'ukalano mansin ninnu na. Teforo seneta taari fana ka kan ka bonya kosebe. Izini ka dugukolo caman yuruguyurugura, olu ka kan ka lasegin. Izini in lawulili be jamanakuntigi Iburahimu Bubakari Keyita ka baara bolodalensinsinnenw kono, jamana haminako gelen do don. Minisiri bolen Farakó, a taara Sikaso, ka némogow fara nögönnä, k'a gelyea u ma, u ka feere be se lajelen tige walasa lajininw ka sabati. Odow ye sirabaw dilanni, binw sijeni, jiriw tigeli, sow labenni, kuranko ni jiko ani jibolodingew ni forow labenni ye. Minisiri y'a jini Sikaso marabolo kolatigejkulu fe, a k'a sendon baara in na.


Izini in lakurayali baaraw kalifalen be mogó minna bi, o ye Felikisi Togo ye; ale ye Sikaso seneko némogó ye. A y'a jira ko izini dugukolo bonya tun ye

taari 302 ye; nka bi, dugukolo yuruguyuruli taara ni taari caman ye. Izini mako be minen kura minnu na, nafolo minna, ani mogó hake minna Felikisi Togo y'o be se nefo minisiri ye. Baarakelaw lajini ye minna ka nesin u ka nafa ma, izini ka nafa ma ani jamana ka nafa ma, a y'o fana nefo minisiri ye.

Kalifa Jara ye Farakóizini inbaarakela koro ye; ale kumana dugutigi togo la. A y'a jira ko izini in be se ka lawuli, wa a ka kan ka lawuli. Dugu ni du caman jigi dalen b'a kan.

Farakó Izini tariku b'a jira ko a joli kumaw n'a jininiw daminen kabini yereeta san folow la san 1963. Mali ni Siniwajamana ka bolodijogonma kono, Siniwawyekonjiniwéjamana yoró caman na. Teforo be ne kosebe Maliduguko yoróminna, okéra Sikaso ani Kita ye. Sikaso dugu 3 be yen, u y'olu sugandi : Fénkolon, Farakó ani Lutana. A laban na, Farakó kelen dörön de tara. Teforo mako be jiba la, sumaya ani funteni. Tintinmayoro fana ka ni a ma ni dingekonona ye. Izini in sera ka dayele san 1972. A ka baara kun folo be se nena. Mali ka te dilannen tun ma ka di an fe yan ani an siginogonjamaw la kosebe.

Ngolo Kulubali minye sendika némogó ye, o ka fo la, izini in némogó folow tun ye Siniwaw ye. O waati la, teforo taari 1000 de tun b'u bolo. San 1976, Siniwaw taara ka izini némogoya be se lateme malidenw ma fo ka se san 1987 ma. O ma sirasoro a ne ma. Siniwaw seginna tuguni, uni Malijéra izini in na, k'a ta san 1987 la, ka se 1992 ma. Owaatiwla, te töni 70 ka se 127 ma, o tun be soro. O kofe, san



Minisiri Mohamed Ali Agi Iburahimu file Farakó te izini kono

1993, izini koje be se tora Siniwaw ka cakeda do bolo; o ka san 10 bénkansébendafara san 2004, ofana taara. San 1993 okutoburukalo tile 31, Mali ye cakeda kura sigi senkan ka izini kalifa o ma: Sozétemu (SOGETM). O ka bénkansében fana kuutaala tun ye san 10 ye, k'a nafolo ke sefawari miliyon 10 ye. Baarakelaw ka fo la, joli te se ka keneya nén kan. Walasa Izini ka se ka lawuli kura ye, gelyea minnu y'a soro fo olu ka dón. O gelyea folo ye teforo binniko n'a ladonniko numan gelyyaw ye, o musakaw cayara kojugu. N'i k'o i b'o musakaw jate, k'o fara te feeresongokan, a te se ka san. Gelyea filanan ye minenw koro li ye. Minen döw ka koro ni san 40 ye, u

ladonni ka gelen, wa u baarano man ni. Gelyea sabanan ye teminnaw ka yéléma-yélémawye, túma be se te kura kan, fo a laban na, Farakó te mangoyara. Gelyea naaninan ye sugu: cogoya ye : 'Tuma be se, te kuraw be bo Siniwajamana ni Azi gun jamana wërew kan ka fan be se fa songo nögönnä, o kera sababu ye ka Farakó te gala. Duurunan ye dugukolokogelyaw ye bawo izini dugukolo taari caman ntarakira. Nin gelyyaw n'a ta be se, minisiri Mohamed Ali Agi Iburahimu y'a jira ko izini be se ka wuli k'a ne ka temé körolen kan. Nka a be nafoloba an fasodennumanya de kofo.

Dusu Jira
Mahamadu Konta

Balikukalan bëna fari kura da Mali kono

Balikukalan bëna fari kura da Mali kono, ka da a kan, sigida lakodönnenw de bëna ke a waleyabaga jönjöñw ye, u ka sigidalamogow ka hère sabatili kama, desantalarizason hukumu kono. Jamana némogó y'a faamuya ko ni sigidalamogow ma desantalarizasonkuntiennawdón, n'u m'u sendon a waleyali la, k'a dón k'a fo ko a nafa folo y'olu de ta ye, k'u ka sinijesigi sabatilan don, fasobaara be ke to-k'a-je ye.

Balikukalan taabolo kura de b'a to sigidalamogow be desantalarizason sariyaw dón. O sariyaw be jamana némogó ka ketaw dantige fasojoko la an'u man kan ka ko minnu ke. Sigidalamogow ye némogó minnu sugandi u cela k'u ka sigida marali n'a yiriwali kalifa olu la, balikukalan bëna to u k'olu fana ka ketaw dón an'u man kan ka ko minnu ke, ani k'u kòlosi u kana dansagon.

Fen min ye sigida yere yiriwali

feereye, o be dantige uye fasokanw na. O mana ke, faama si te se ka wuli ka na k'i be yiriwali suguya dödiyagoya u kan min tono te se umá. Balikukalan bëna a to némogó o némogó, sigida némogó fara jamana némogó kan, n'i donna fili la, jamadenw ka se k'i bilasira, wa n'i banna o má, u be se k'i wuli ka bo fanga la n'u ka wotew ye demokarasi hukumu kono.

Balikukalan ka farikurada do fana ye tubabukan donni y'a kono. Kalan kecogo kura min bëna ke balikukalandenw kun, o b'a wajibiya u ka kalan kana kuncé n'u ma se k'u bolo dayoro dón tubabukan fana na. Bawo jamana taaboloba min dantigera kankola, o y'a jira ko baara be ke jamana kono ni fasokanw ni tubabukan ye nögönnä. O fasokanw ye 13 ye: bamanankan, boore (bôbôkan), bozo, dögoso (kadôkan), fulfulde (fulakan), mamara

(miyankakan), maninkakan, soninke (marakakan), syenaare (sinafokan), sonyai (körôbörôkan), hasanya (surakakan), Xaasonnakanxo (kasonkakan), tamayiset (burudamekan).

Sisan, balikukalan bëna sinsin kunnafonifere kuraw kan. O kunnafonifere kuraw ye, enforomati, entereneti, jufakonotelefon, tabuletiw an'olu nögönnaw. Olu b'a to kunnafoni ni dönniya be se ka soro teliya la, u caman, u suguya be se, faantan ni faama, be se lajelen be se k'u soro i sago la. O la, kunnafoni ni dönniya fana be bila demokarasi minen kono.

N'i ye línán balikukalan togoladon seli masalakunw n'a ganselikumaw jatemine, i b'a faamuya ko dije be se ye balikukalan nafa dón sisan. O masalakunw n'oganselikuma döw ye: «kunnafonifere kuraw ye balikukalan demenan jönjöñw ye ka gelyyaw kun ani ka ben ni fokaben sabati», «Anka kunnafonifere kuraw bila balikukalan ka bolo kan ka netaa sabati», «An balima kunnafonidilaw, jamana ni sigida lakodönnenw ka némogó sigilenw, a' ye balikukalan ke walasa k'aw ka laseliw ne». «An ka balikukalan ke ka kunnafonifere dönbaliya denkerewe kele».

Mahamadu Konta

Kibaruseben be bo kalo o kalo juma laban na. Mogow be se k'u

hakili to o waati la ka taa u ka Kibarusebenw nofse u sörçywaw la

Layiduw ma se ka tiime kabaseneko la Sikaso

Ne delila ka bataki do ci san 2011 damine waati la n'o y'a zanwuyekalo ye, k'a jira ko demendon jekulu dō nana Sikaso mara kono, k'u mako be kaba toni 500.000 la. O siratige la, u y'a jira k'u bëna demen don senekelaw la o lajini in sabatili kama. Layiduw tara ko nogo bëre 7 be di foro taari kelen o kelen kama. Ni samiyé banna taari 1 nogo be sara ni kaba ye. U be kaba kilo 1 san an bolo sefawaridöröme 40. Senekelä caman donna poroze in na o layiduw ninnu koson; u tun y'a sementiya, ko ni poroze san folo banna k'a soro mögo min madon a la, o sente a la kofe. U ko san o san tondenw fotow be ta. Tönwari sarata

yesefawaridöröme 20 ye san kono. Poroze kuntaala ye san 5 ye; nka tönwari döröme 20 sigiyöroma 5 bës bë sara san folo kono. O be ben tönden kelen o kelen döröme 100 ma. Mögo min m'a sara o ka dogo; sabula u tun be yaala an ka jamadalajeyorow la ka töndenw fotow ta. I foto mana ta yöro minna, ibë töndenwari döröme bë ka di. Uye waati ke o fototaw ni tönwari minew na ka fara mögöw ka aderesiw kan, ko ni mëkalo sera nogo dili be damine senekelaw ma. U tununna an na. An sigilen tora ten fo ka mëkalo ban nogo ma ye.

Layiduw ma tiime demendon jekulu fan fe; n'ote tönwari juru te senekelaw la.



Daramani Sise

Anw sera san 2011 setanburukalo tile tan ni ko ma k'a soro kunnafoni fosi ma don mögo ninnu kan. O y'a soro an ye kaba minnu sene an yere fanga la, olu kun folow tun sera kaban.

Senekelaw de kelen be namaratow ni janfanciw ka

wariniyöre. Niwarikogeléya cunna min kan, o be wuli ka don senekelaw kan ni kuma dumanninw ye k'a yere ke andemendbaaye. Fitinin minb'an bolo u b'an bëne o yere la. Tiñe don, demendon jekulu numan caman be senekelaw kokoro u ka yiriwali kama; nka o m'a bali janfanciw ka nagami u cela..

O siratige la, ne b'a jini sigida nemögöw fe, an k'an bolo di nögön ma ni kunnafoniw ye, ka mögo juguw ni mögo numanw woloma ka bo nögön na. N'o te namaratow be ko bës këbaaw la bi.

Daramani Sise ka bo Nögölaso, Sanzana komini na Sikaso

Ntumuwe ye kooriforo taari 570 tiñe Nona

Kabini setanburukalo jora, sanji nanisumayara. Atokera cuncunni ye. O sanji sennasumayali kera sababu ye, ntumuwe ka dankari anw ka kooriw la. Jatemine na, koori minnu danna mëkalo tile 1 la ka se a tile 20 ma, ntumuwe ma se ka fen k'o forow la. Nka minnu danna o kofe, ntumuwe digira o kooriw la kosebe.

Anw fe Kéne zayiri kono, koori minnu danna mëkalo tile 10 laban kono ka se zuwenkalo tile 5 ma, ntumuwe ye dankari olu la. O kooriforo min tñena, o be se taari keme duuru ni bi wolonwula (570) ma. Nka an ye koori minnu dan mëkalo tile 1 ka na se a tile 20 ma, o bënnna taari 700 ma. Ntumuwe ma se ka dankari o la. An jigi

b'o taari 700 inde kan kooriko la jinan. Ntumuwe ye taari 570 daji an bolo. U ma se ka fen ke min na, an y'o baara bës ke sanji kono. O b'a jira ne na, ko koripösonin te se ka mako ne ni sanji te na. Semudete ka lasigidenw y'a jira an na, ko fiyeko naani be koori tanga ntumuwe mantoro ma. An döw y'an ka forow fiyeko duuru ke; nka an m'a nafa ye. A laban na ne ye cikelakoliden wele ka na n ka foro jira o la. A ko ne ka pösonin suguya min san, obë wele «Kalifa». O fiyera, jöyöro fosi ma ye o fana na ntumuko la.

O fiyeko wööro kofe, ne ye o cikelakoliden kelen in wele a ka na n ka foro laje kokura. A donnan foro kono hali a ma

yöro jan yaala, a ye ntumu tömö k'a tege fa tewu. Semudete yepösonin suguya saba di Nona senekelaw ma jinan. Nka a si kelen ma fen ne ntumuko la.

Sumannifén fen o fen be Mali kono, posöönin söngö ka ca a bës ta ye, fon'a bora sanuna. Posöönin minbë wele «Kalifa», o bidon kelen söngö ye sefawari döröme 780 ye. A bidon 4 be ben litiri kelen ma. O söngö be se döröme 3 120 ma Mali kono. Posöönin wari caya te senekele tööro; a te mako ne o de b'a tööro. Kabini an ye koorisene damine san min na fo ka se jinan ma, o be san tan caman bo; ntumu suguya kelen min kolosira, o de b'a la ka koöriko tiñe halibi. Fura jöönjö selan te ka soro a

la. A be koorifeere tiñe ka kooriden tiñe. An b'a jini sejeko nemögöw fe, uk'ujilaja ka pösonin jöönjö ni jinan ka dianma, minbë ntumu faga. N'o te san o san an ka segen be ka ke sanjikorowosi ye. An be ka wari bo ka don posöönin na, fu don, a te ka mako ne anye. N'iye kooriforo taari kelen soro dannen ye kilo 800 ma, ntumuwe ka tiñe y'a fanba ye; n'o te baarakelija te.

O temenken kofe ne be Mali senekele bës fo, k'u ni dimilomine. K'a döñkogeléya be baara la, ka laban ka nöro o la kelkele, ni Mali senekele te jamana si mögo te son o nögöna ma.

Alujan Tarawele ka bo Nona, Nangola komini na Doyila

Ni balimaya ni teriya tiñena, numan te hadamadenya kono bilen



Asani Tarawele

Ce döw yere kumakan ye ko muso tabali te yen. Oye kuma

Iankolon dan ye. E be muso do wele k'o ci muso wëre ma; munna i'to yere ta siñe kelen ni muso tabali te yen. An be don min na musoko ni cëko kelen be sababu ye ka balimaya ni teriya tiñe. A sabanan o ye denko ye. Koro ni dögo te se ka maga nögöden na bilen ladamuni sira fe. Min mana a fo k'a be do den koron ka bila sira

numan kan, o b'a fo k'ale den de jengoya b'o la, walima k'o ko man di o ye. Fölo mögöw tun be balimaya ni teriya sira makaran gasi jësiranje koson. Bimogo mako te balimaya la, a mako te teriya la; k'a sababu ke yerebonya yeaninatako jugu.

Asani Tarawele ka bo Kokuna, Kapolondugu komini na, Sikaso

Alen Ziresiko be son ka ban Mali bolo yan sa

An y'a men ko Alen Ziresi ye wal an semé Mali Samataségen degelikaramogoya la alamisadon setanburukalo tile 7 san 2017.

An ye nin kuma in fo a meenна; nka faantan ka kuma te minë sogobosoyoro la.

Alen Ziresi ye san 4 ke Mali la ka ntolatan 18 ke an ma sebaaya soro a si la. A b'l n'a fo ntolatan nemögöw tun y'a ta u yere ka nafa de kama.

An b'a jini ntolatan nemögöw fe, n'u be degelikaramogoya wëre ta nin kofe, u ka jatemineba ke. N'o te Alen Ziresiko ma ke dususuma ye Mali bolo. U k'a tun be sara kalo o kalo sefawari miliyon 13. Hali n'o be don a la, o ka ca a nafa ladonbaliya ma.

I ye mögo min gen föl k'a ma baara ke, n'i labanna k'o ta kokura, o ye ka kalà ye k'i ne turu a la.

Alu Kone jagokela don ka bo Zoni Endfisiriyeli la Bamako

Sanjiko geleýalen be kosebe sisan

Ne be nin bataki in ci Kibaru la k'an ka dugu kunnafoni di. San 2017 in samiyé na, an ye danni damine zuwenkalo tile 7. O bënnna arababadon dō ma. Nka sanjiko geleýalen be kosebe sisan.

Zuwenkalo la, sanji ye nako 4 ke, obënnna milimetere 253 ma. Zuluyekalo la nako 7, o bënnna milimetere 331 ma. Utikalola nako 8; obënnna milimetere 390 ma. K'a damine setanburukalo tile 1 la ka se a tile 22 ma, sanji ye nako 4 ke; obënnna milimetere 201 ma.

O b'a jira ko samiyé damine fo setanburukalo tile 22, sanji ye nako 23 ke, min bënnna milimetere 1.175 ma.

Sanjiw ni nögön ce tun ka jan kosebe.

O temenken kofe, ne b'a da jamana nemögöw tulo kan, ko Bamako ni Segu ce siraba kasaara ka ca kosebe. Sira dilanna ka ne. Mibiliw te boli ni hakilisigi ye bilen. Dugu ka ca furance in na; ubë mibiliw fununka teme. Sanga niwaati bës la mibili be mögo faga Bamako ni Segu ce.

Nin bës kofe, n ka foli be Kibaru baarakelaw ye. Ka dugawuke, Ala k'ubolo meen u ka baara la. N be batakicila bës fo, ka Kibaru jemukan lamenbaaw fo.

Umaru Kulubali ka bo Nianina - Buwadugu, Marakakongo komini na Fana

Sanjiko geleýara Biriko Dalala samiyé damine na

Ne nisondiyalen be nin bataki in ci kibaru la, ka foli lase a baarakelaw ani Arajomali baarakelaw ma, kalabank'an ka dugu kunnafoni di.

K'a damine zuwenkalo la fo ka na se zuluyekalo tile 5 ma san 2017, sanji jenama ma na anw fe Biriko Dalala. An ye no fën o fën dan kono bilen be k'a bës bo ka dun forow kono anko. Odekoson dañni ma se ka sira numan soro. Nka sisan an be Ala tanu.

Sanji minna nana o kofe, olù be ka mako ne an lolp. O temenken kofe, ne ka foli be Paté Boli ye ka bo Danbania, kofeba komini na kita.

Seyidu Sidibe ka bo Biriko Dalala, Sirakoré Kita

Kalankene : Kumasensigi geleyaw

Kumasen kelen səbəncogo numan sariya, o ye sariya ye an bəna kuma min kan nin kalankene in kono.

Halibi an ka lajini ye batakicilaw ka se u hakililaw səbəncogo numan na.

An ye sariya minnu labo o hukumu kono, olu kera ninnu ye :

1 - I bə se hakilila fo cogo min, i b'a səben ten.

2 - I ka kan ka dajew siya don, k'u sigisigcogo dən nəgən ko sira dalen kan. Sisan, an bə kuma kumasen kelen səbəncogo numan sariya kan. N'o faamuyara, se bə ke kumasen caman səbəncogo sariya ma. N'o faamuyara, də bə fo masalabolo səbəncogo sariyaw kan.

3 - Kumasen kelen səbəncogo numan sariya : Kumasen kelen səbəncogo numan sariya fofo ye a ka surunya. Okoro ye a ka ke walekela 1, wale. 1 ani dafa 1 ye.

Misaliw : «Kalanden taara so.» («kalanden» ye walekela ye, «taara» ye wale ye, «so» ye dafa ye).

«Saga ye bin dun». «Saga» ye waletigi ye, «ye..dun» ye wale ye, «bin» ye dafa ye.

Kələsiliw : Nin misaliw la, kumasen surun fanwy saba ye. Nka kumasen surun fanw bə se ka ke fila ye, ubə se ka ke hali kelen ye.

Misaliw : «Kele tijena» (fan 2 : «kele» ani «tijena»).

«Madu selila» (fan 2 : «Madu» ani «selila»).

«Kuma», oyefankelenye. «Wuli»,

o fana ye fan kelen ye.

Kələsili : Hakilila mana caya cogo o cogo, i bə se k'i sinsin kumasen surunw kan k'u lase.

Kumasensurun səbənni matarafali ye səbənni kəcogo numan faamuyali ye.

Kələsili : Kumasesurun mana jiidi cogo o cogo, wale kelen de b'a kono. Waletigi bə se ka caya, dafa bə se ka caya; nka wale kono ye kelen de ye. O wale in ni demenān don walima a kelen don.

Misaliw :

«Madu ni Sali yé saga ni ba san sugu la.»

«Sanfemogownidugumamogowy' u sige dəbenw ni tapiw kan.»

4 - Kumasesurun hukumu : Kumasesurun bə fo hukumu dəw kono : a bə fo sənsira kan, a bə fo bansira kan, a bə se ka fənisoncogoya dəw kono.

Misali la :

Nəgeso sanna madu ye (sənsira)

Nəgeso ma san Madu ye (Bansira)

Nəgeso san Madu ye sisan sisan. (Diyagoyali)

E negeso sanna Madu ye koyi! (Nəsonjira)

5 - Sirə jolen fe kumasen susun dajew bə se falen nəgən na :

O ye sariya ye min nafa ka bon. Barisa n'i ye kumasen səben, i bə se k'a laje, k'a laje ka taa a fe kasoroi ma hakilila yelema.

I'yə sinsin, k'a sonjila, k'a maben, walasa kalanbagā ni menbagā ka wasa.

Misali la :

Suruku ni nsongsan taara mənni na uyejegeden 3 (saba)soro. Sonsannin ko, n koro jəge tila : suruku ko :

- Nin ye ne ta ye.
- Nin ye suruku ta ye
- Nin ye Namakoro ta ye.

Kələsili : Anb'a ye k'a fo sira jolen kan, dajew sigilen bə nəgən jukoro.

Dajew duuru minnu bə kumasen in kono, olu bəe sigilen bə nəgən jukoro.

Dajew fofo, filanan, naaninan ani duurunan, olu ma yelema. Nka dajew sabananyeləmanā : «Ne » yelemanā

ka ke «suruku» ye, 'ka tila k'a ke «Namakoro» ye. Yelemani kera, nka u saba bəe be fen kelen kofə. Maben sira kan, nənabila ni təgəw don.

O de kama, anko sira jolen fe, dajew bə se ka sigi nəgən nə na, nka o k'a soro kərəko ni siyakola, u bəe ye kelen ye.

Suruku ye tilali ke n'a kərəko ye, n'a ka feerə ye. A ye kumasengi sariya labato, Dajew minnu yə kelen ye kərəko la ani siyakola, a y'olu sigi nəgən jukoro sira jolen kan. Ne m'a dən nsongsannin n'a ka keguya, a bəna nən ko in kə cogo min.

Bakurubafə la, kumasen surun səbəncogo numan sariya labatoli la, ib'i jilaja ka se kumasensurunyacogo la. N'i b'a jiidi, i ka se a jiidi cogo la. N'i b'a səben, i k'a dən k'a fo, a bə səben hukumu dəw kono.

O bəlen kə yen, i k'a dən k'a fo sira jolen kan, dajew bə se ka falen nəgən na, nka o k'a soro kərəko ni siyakola, u ye kelen ye.

O dabəkun ye ka kuma maben, k'a masiri, ka hakili juru caani.

Mahamadu Kənta

mako don ji la. Mako donni ji la, o ye ji minneko numan ye, a kana tijə, a kana lanogo. Hadamaden bə ji soro dugukolo kan, baw ni kəw ni sintinw ni sanjiw fe. A bə dugukolo sen ka dugujukorji soro, kələnw ni pənpekolənw.

Hadamaden ma se fofo k'a mako donji la. A ka baara bəe nəsinndən ji lanəgoli ma ni bagajiw (izinkonəjiw, galaw...), a yəre nəgəw (sugunəw, bow), tubabungow ni dəwərew.

Jamanaden fanba bə cikəduguw de kono Mali la. Cikəduguwulamogow ka jinumansoro de fana ka gəlen bi ni dugubəkənəmogow ta ye.

Nka sonsoribuguw fana bə jinumansoro gəleyaw dən. Jinumansoro gəleyaw bə sigidaw la, jikolabənw ma se ka sabatiyorə minnu na.

I'b'a soro o yərəw la mansinw ma sigi ka ji furake, pənpekolənw ma sigi, feerəw ma tige minnu bə ji tangə məgəw ka lanəgoli ma.

Karamogó Daramani Tarawele
Ji ni jilabanaw kalan Diya 2006
san Zuwenkalo

Dukene : Dinəlamini kəko fofo

Fəridinandemazelan, de fofo ye taama ke min y'a to n'a sera ka dinə lamini. Mazelan tun ye matematiki kanubagaba ye, ani siyansi dənniya təw. O dənniyaw y'a dəmə kosebə a ka kənəjinitaama in na.

Mazelan tun ye Pəritigali jamana möqə ye. A y'a lajini dajira a ka masake la, k'a b'a fe ka dinə lamini k'a, bən. O waatiw la, Pəritigali masake ma sənk'a dəmə, bawo o y'a jatemine ko waleyə don min farati ka bon, min waleyali ka gəlen fo ka dantəmə. O kəfə, Mazelan y'a ka taama in dajira Esipəni masake la. Osonna k'a dəmə, ka kurunba 5 di a ma.

A n'a ka jama wulila san 1519 Esipəni dankañ na. A bora Eropu k'a kunda Ameriki woroduguyanfan kan, ka kəgəjiba Pasifikasi minə. Kirisitəfə Kolənbu y'a ke cogo min, a fana tun b'a fe ka taa Endujamana kan masiruw ni kasadiyalanw sanni kama.

A seginə, a tun b'a fe ka Afiriki lamini kasorə ka don Esipəni.

Nka sira kan, a nəfəməgo caman sara k'a sababu ke balodəsə ni witaminikodəsə ye. Bana min bə soro nakələfenw ni jiridenw dunbaliya fe, n'o bə wele Esikəribiti (scorbut) tubabukan na, o de y'a ka mögəw faga.

Mazelan sera ka kəgəjiba Pasifikasi tige, nka sanni a ka se Endujamana kan latige nan'i jo. A selen Filipini san 1521, Mazelan ni gun do masake kera teriye. Ogun in bə wele Sebu. O masake in n'a sigi nəgəndugu də tun bə kele la. A y'a jini diyagoya la. Mazelan n'a tənəgən k'a dəmə o kele in na. Mazelan ma se k'a ban wə a ni tora o kele in na. A tənəgən minnu porogotorə, olu təməna ni taama in ye, olu sera k'u yəre kisi masake in ma.

Mazelan ka kurunba 5 la, 1 dərənde sera ka segin Esipəni. A ni mögə 200 minnu ye taama in damine nəgən fe, olula, mögə 20 dərən sera ka segin so, a tə bəe tora ji la sira kan. O mögə 20 ninnu kəni sera k'a kə kənəjinitaamaba in kuncə, ka dinə lamini. Nka a təgə dira ale de ma, k'ale fofo de sera ka dinə lamini.

San 55 təmənen kə, dinə laminiko 2nan kera. San 1577, Angilejamana masakəmuso Elizabeti fofo, ale y'a ka maraden dəbila dinəlaminitaama na: O tun ye Kərisika ye, a təgə tun ye Faransisi Daraki ye. O ye sañ 3 ke a ka taama in na. Sira kan, o tun bə bəlo binkənni de la. A tun mana Esipənikəw ka kurunba min ye kəgəjiba, a tun b'o kele k'o kənəminən wətə. Ocogola, Daraki sera ka dinə lamini, ka don a fasola, n'o ye Angilejamana ye. A selen a fasola, masakəmuso in, y'a lədiya n'u ka wari 10.000 ye.

Mahamadu Kənta
An ye nin bə tarikigafe də kono

Maakorobaro : Ji numan

Ji min bə ta orobinew na duguw kono walima duw kono, o ji ye numan ye. Ji numan ye ji ye :

- min ka sanu, a jelen don;
- ji don fiñe tigelen te min na, fiñe nagaminen don a la,
- ji don, nikəgəw bə min na, n'a ma ke ni dantəmə ye;

- ji don, nəgəw t'a la, banakisəw t'a la, minnu bə se ka jilabanaw ləse farikolo ma.

Ji numan bə min kasorə i təyilanyilan ko ni ji in b'a minbagā bana, barisa jilabanā banakisə fan si t'a la n'o bə se ka ke bana jugu də sababu ye.

Tuma caman na, ji numan ye dugujukorji ye, dugujukorji min ye dugukolo furancə jancətigə foçəncən y'a nəgəw n'a sigamafənw bali ka təmə. O ji bə soro n'i ye kələn walima n'i ye pənpekələn sen.

Ji ka numanya ka kan ka to a la. Walasa o ka se ka ke, hadamaden ka kan k'i janto ko caman na, n'o tə jilənəgəli ye yərənən kelen ye. Ji mana lanogo, oyə hadamaden, sigida mumə kelen ye ka ko soro. A ko dəw tə dan soda la, cogo min tə tijənənəw ye kasaaraw ye.



Daramani Tarawele

Nin bəe de bə ji kunkanko gəleya jinumanko la. An bə ka ji numan min kofo dinə kono, hadamaden fanba de bə yen min tə o ji kofəlen in soro. O kosən, u ka kənəya tə sabati, baloko numan tə sabati, u ka bənəgəla tə sabati. A bə faamu ko ji numan bə hadamaden ka ko caman sabati. O mana ke, a kə dinəlatigə bə nəgəya k'a diya.

Diyagoya don hadamadenw k'u

Saheli 21 febaarañogonya be damine ni balikukalan ye

Demedonjekulu Saheli 21 ye balikukalan tøgøladon lajeba ke ntenendon okutoburukalo tile 23 san 2017 Dubabugu, Sagabala komini kono Jijenin. Saheli 21 nemogoba Seyidu Togola, Jijenin superefe, Sagabala méri Masine Tarawele, Kolokanin Kalanko nemoba ka ciden, seni ni baganmara demebar minnu be gøferenaman togo la Jijenin kubo kono, demedonjekulu were minnu be yen ka fara Saheli 21 baaraketøgon dugu 22 minnu be Sagabala ni Jijenin kominiw kono, nin be se ka cidenw tun be kene kan. Jama min tun be laje in kene kan, a tun ka ca mogo 250 ye.

Hakililajigin na, Saheli 21 ka baara ketaw nesinnen be seni yiriwali; ji saninansoroli, kenevako, duguyiritonw sigili n'u kalanni u ka baaraketaw la, jurudonkesuw, balikukalan ani nafasorobaaraw ka nesin balikukalanden jolenw ma. Dugu o dugu ani mogo o mogo, walasa i ka ke Saheli 21 baaraketøgon ye, o sirilen

be balikukalan keli la.

Dubabugu dugutigi ka bisimilali kørøføw bannen kofe, Saheli 21 nemogoba Seyidu Togola ye kuma ta. U ye baara minnu ke ani minnu bolodalen be, a ye do fo olu la.

Seyidu Togola ka fo la, Saheli 21 be ka balikuwalan. O kofe u b'a jini o kalandenjolenw feuka porozew laben u yere sago la, nafasorobaaraw kan. Oporoze dow musaka be se sefawari miliyon 5 ma. Saheli 21 b'a kundon o waleyali koro. Kasorogøferenaman b'poroze nøgønna minnu nesin a ka dipulømutigwi ma, a caman musaka te surunya o wari kofolen in na. A ko ni goferenaman be se k'a miiri balikukalanden jolenw na a ka porozeko la, o tun be son ka ke balikukalan nafa do ye an ka jamana kono.

O kofe Ibarahima Makalu min ye Saheli 21 ka balikukalando nemogøye, o ye san 2017 kalan jaabiwi di.

Degelikalanso tun be dugu 28 kono; buguda 6 b'o la. Kalanden 688 tøgo sebenna: ce 192 ani muso 496. Ce 168 ani muso 389 sera k'o tile 50 kalan laban fo ka kiimeni ke. Mogo 252 ye se soro olula: ce 101 ani muso 151. Karamogo 28 y'otile 50 kalan k'u kun: ce 17 ani muso 11.

Sinsinni kalanso 21 daye; n'o ye dugu 21 ye. Kalanden 351 tøgo sebenna: ce 150 ani muso 201 oluye tile 40 kalan ke; nka mogo minnu sera ka kalan foori ka se fo kiimeni ma, ce 126 ani muso 172 b'o la, o mumé ye 298 ye. Mogo 142 ye se soro olu la: ce 66 ani muso 76. Karamogo 21 y'otile 40 kalan ke: ce 15 ani muso 6.

Bakurubafo la, Saheli 21 ye mogo 1.239 kalana ka san 2017 balikukalan kanpani kono. Muso hake y'o la 897 ye, ce 342 ye. Muso hake n'a caya be, min fana ye kalan bila u la, o cayara kosebe ni ce min y'a bila ye.

A kolosira fana, ko denmisenni ka ca sisanbalikukalansow kono. Walasa

ka fura soro olu ka lakoliko la, a be jini komini nemogøw ani Kapu fe, u ka dabali tige kalansen telin ka sigi sen kansigidawla, minbe weletubabukan na «pasereli». O la minnu mana se soro okalo 9 kalan na, olu be se ka sin ka yelema ma lakoli kalanso filanan, sabanan ani fo naaninan yere la. A denmisenni dow si hake b'a ta san 9 na ka se 14 ma.

Balikukalan tøgøladon hukumu kono nøgøndan do tun bolodara kalanden jolenw ce. O bolila nsiirinw ni poyiw kan. Kene in kan, nsiirin 6 ani poyi 6 minnu nena, ladiyalifendira a kelenna bee tigwi ma.

Balikukalan nasira la se ye sigidama 4 ye. Se folo, se filan, se sabanan ani se naaninan. Degelikalanso la kalanden minnu ye se folo soro ni kuru 69 fo 70 ye, ani sinsinnikalanso la minnu ye se folo soro ni kuru 79 fo 80 ye, olu fana ye ladiyalifew soro.

Dokala Yusufu Jara

Dijø mogofagalabaw Kiirisoba nemogøba nana Mali la



Iri Ganda nemogøba Usmanu Isufi Mayiga

Iri ganda ye kørøbøkan ye. A koro ye an faso, walima an ka dugukolo. Kørøbøw ka jekuluba tøgo ye Iri Ganda. Sibiri wula, okutoburukalo tile 14 san 2017, o jekuluba in ka laje tun be senna farikolo ne najeso la Hamudalayi Aseyi 2000 la. Jama sebekoro bora ka sigiyo bæ fa. Jamanaguntigi Ibarahimu Bubakari Keyita tun b'a kene kan.

Sigikaføba min kera jamana marayorøwla, Gawotajawjirala jama na. A masalakunw tun be tali ke jamana kørøyanfan yiriwacogo la. A kolosira, ko sigikaføba in lajiniw tun ye sigidalamogøw demeni ye basigi sabatili la; lajini døye dugukolo ka to a cogo la, a kana børøt; sigidalamogøw sendonni mara kccogo la; kiiriw ka tige konuman walasa ka yeresakoke dabila siginogonya kono.


Iri Ganda nemogøba ye minisirin nemogø koro Usmanu Isufi Mayiga ye. A ye jama wuli ka jo, ka

taasibila ke ka nesin dunan ni dugulen ma, minnu tora kørøfekel la, k'a damine kabini san 2012 la. A soro ka kørøbøw kasekonidønko mankutu faso lakanani sira fe. K'a jira ko don si da kelen na, u ma to ko fasoko la. Hadamadenya b'ula, ubønumanya ke, u be nøgon deme, mogø tilennenw don, cefarinya b'u la, u be dunanladon ke. Usmanu Isufi Mayiga ka fo la, u ye nin ton in sigi

faso lakani kama, ka fanga don seko ni dønko ani nafolosorøsiraw jidili la. A k'u joyorø ye fen o fen ye faso ka kelenya, a diinecanmanko ani demokarasiko sankørtali la, olu b'o ke. A ko Iri Ganda te politikitøn ye, ka marifaw ta ka bin mogø tow kan, o ton te, a sigikun te ka nafolo jini k'u b'o tila u ni nøgon ce. A dabøra basigi sabatili, seko ni dønko lakanani ani siginogonya ni ben ni kelenya sabatili kama. A y'a jira fana bønkan mintara gøferenaman ni mogø murutilen kørøw ce, o ka bø a sira fe. Osiratigela, a ye foli ni tanuni lase jamanakuntigi ma ben ni lafiya kuntaala jan jinini na Mali ye.

Jamanakuntigi Ibarahimu Bubakari Keyita ka kuma na, a y'a jira k'ale yeli nin kene kan, o ye nøgøndøn sira min b'a ni jekuluba in nemogøw ce. A ko jamanaden tow ka dannaya b'u kan, u cesirilen fana don fasoko la.

Lugayi Alimuludu
Dokala Yusufu Jara



Fatu Benisuda ni Mamadu Isimayeli Konate

Hadamadenw ka hakew lafasalijekuluba min be dijø kono, o ye laselisøben bo ka Mali jalaki. O hukumu kono, dijø kojugubaw kiirisoba nemogøba, Fatu Benisuda, o nana Mali la.

A y'a jira ko segesegeliw bøna sigi senkan Mali cemanceyanfan na n'o ye Moti marabolo ye walasa k'a don n'o y'a soro folen ye tøne ye. Folent yø jumon ye?

Hadamadenw ka hakew lafasalijekuluba y'a jira ko sudingøba døw yera Mali cemanceyanfan na k'a sababu ke Mali sørødasiw kewalew ye. Laselisøben in bolen, k'o kunnafoni da dijø bæ tulo kan, Mali gøferenaman ye wele bila Madamu Fatu Benisuda ma, dijø kojugubaw kiiritigelaba, a kana a laje n'o y'a soro jalaki min binna Mali kan o ye tøne ye.

O hukumu kono, Madamu Fatu Benisuda nanen Mali kono, a ni Mali

sariyako minisiri Metiri Isimayila Konate jera ka kunnafonidilaje do sigi senkan nøgon fe, kone ninnu kan.

Fatu Benisuda y'a jira kosøgesegeliw bøsenna kaban walasa k'a boloda kow kise kan. A føra ko sudingøba minnu yera Malicemanceyanfan na, o ko be nøjini, wa Mali sørødasiw fagaliba min kera Agelihøki san 2012, o fana be nøjini, ani dankari kera hadamaden ka hake fen o fen na an ka jamana kono kørøfekel in na, o bæ be nøjini.

Dijø kiirisoba ye jamana yøremahøryalenw ka tønba bolofara ye min be mogøw kiiri k'u nangi minnu ye mogøfagalabaw ke, k'a jini ka siya døw silatunun pewu ka bo dugukolo kan. Omogøfagalabaw mana ke dijø fan o fan, olu be kiiri. O hukumu kono Fatu Benisuda y'a jini a ni Mali sørødasiw nemogøw ka nøgønye ke walasa tøne ka bange.

Kunnafonidilaje in senfe, Mali sariyako minisiri y'a jira ko sudingøbako in folen, Mali gøferenaman ye cidenw bila ka taa yøro in laje, u ma sudingøba fosi ye, sango k'a fo k'o ye Mali sørødasiw no ye.

Mali ni dijø kojugubaw Kiirisoba jera k'u kan di nøgon ma, k'a jira k'u be je k'u bolo di nøgon ma walasa tøne ka bange.

Mamadu Si / Mahamadu Konta

San 2015 kono, jamana bonena sefawari miliyari 70,13 la

Jamana sègesègeli laba Amadu Usmani Ture y'a ka san 2015 baara kelenw seereyaseben di jamanakuntigi Ibrahîmu Bubakari Keyita ma nténendón okutoburukalo tile 9 san 2017. A jiralen b'o seereyaseben in kono, ko jamana bonena sefawari miliyari 70 ani miliyon 130 la. O wari hake kofolen in na, miliyari 32 ani miliyon 780, kunmaniyara faso ma k'a sababu ke yuruguyurugu ye. A to miliyari 35 ani miliyon 500 taara ka faso dan ka da mara kécogo jugu kan.

Tajimafén minnu be bo jamana kokan ka Bamako lasoro Dakaro ni Bamako ce siraba fe, sègesègeli ye fiñeba soro o duwajew ka baara kécogo la. A caman duwajew sara ma mine a cogo la, nangili sariyaw ma labato. Sègesègeli y'a jira ko tile saba o saba, siterinin min be se ka esanzi litiri 10.000 ta, o tun te duwajew sara. O be ben kalo o kalo siterinin 10 duwajew sara kunmaniyani ma faso ma.

Fen min ye dugujukorofenka cakedaba ye n'a tubabukan daje surunye Deyenizeyemu (DNGM) ye, o ma baara ke sariya kono. Dugujukorofenka cakedaba minnu be jamana kono, o caman y'a ni goferenamance bennkanw soso; nka a m'u nangi. Dugujukorofenka boli yamaruyasèbenw ma di jelenya la, u be nafolo hake min fana soro u ka dugujukorofenka la, o jatew ma jeyu



Jamana sègesègeli laba ka san 2015 seereyaseben be cakeda 23 kofe

Forobanafolo sègesègeli laba Amadu Usmani Ture kelen k'a ka baara jaabi di jamanakuntigi ma, a ye kunnafonidilajé do laben, ka kunnafonidilaw wele o kene kan. O kera arabadon okutoburukalo tile 11 san 2017.

A y'a jira kunnafonidalaw la kabini laje in damine, ko jamana ye baara min kalifa ale ka cakeda la, o ye ka sègesègeli ke forobanafolo kan walasa k'a dòn n'a musakacogo jéna forobacakédaw la, k'a dòn ni yuruguyurugu kera, k'a jira fura minnu be se ka soro forobanafolo

burujaliu la k'a bali. A ka baara te ka mögo jalaki walima ka mögo nangi.

A mana laselisèben min laben jamanakuntigi ni jamana kunko némogoba ma. Olu mögo fila de be se ka nömineniu boloda anij ngiliw, kerékerénnénw yala kiirkow némogoba.

O kofe, a y'a jira k'a ye laselisèben min di jamanakuntigi ma, o be boli san 2013, 2014 ani 2015 sègesègeli wé kan. O sègesègeli wé bolila cakeda 23 de ka nafolo musakacogow sègesègeli kan, jamana cakeda 500

cela. A ka baaraw jaabiw y'a jira ko sefawari miliyari 70 ani miliyon 10 de yuruguyurugura o waatiw la jamana forobanafolo la.

O kofe, a ka cakeda ye baara in ke cogo min, a y'a nefs. Kun min na cakeda 23 sugandira cakeda 500 cela k'olu sègesège a y'o nefs. A kolosira koforobanafolo musakata n'a yuruguyuruguta ka ca cakeda minnu na, baaraw kunsinna olu de ma.


Jamanadenw ni sendikaw, n'o ye baarakelaw lafasalitow ye olu fana y'a nini cakeda dòw ka sègesège. A y'a jira ko a ka baara ye baara jelen ye, nögosi'tala, bawo cakedaw crew de be kunnafoniw ni sèbenw di alema a k'u sègesège, wa o sègesègeli te ke kufé, u te ke gundo la, u be sinsindalilukéneawdekan. Malidén, minnu be kókan ani goferenaman yere, olu bée de ka lajiniw sera ale ma walasa ka cakeda sègesègetaw sugandi.

Kunnafonidilaw ye nininkali dòw ke jamanafolow sègesègeli laba la, a y'u jaabi. A y'a jira ko sègesègeli be se ka boli jamanakuntigi yere ka baarayoro kan. Ale ka cakeda yere fana kolosilen don, a te se ka yeresagobaara ke, wa ani cakeda wé bolo be nögón bolo o baaraninnu na, a b'a ta minnu ka dabda ma sariya hukumu kono.

Lugayi Alimuludi
Mahamadu Konta
Dokala Yusufu Jara

Baganw ni sogo feereli kókan, be soro yiriwa

Sogojago
bena se ka
don ba la
cogo di ?



Bagnw laboli ka taa feere kókan, ani sogo bilen laboli ka taa feere kókan, o be se ka nafaba lase bagan maralaw ni sogobaaralaw ma. U be do fara jamana fana ka soro kan.

O hukumu kono baarasigi do labenna nténendón, okutoburukalo tile 23, san 2017 sogo ni baganw jagolikó kan Mali fe jamana wérew ma.

A némogoya tun be jagoko minisiri bolo Abudéli Karimu Konate. Minisir min nesinnen be iziniko yiriwali ma,

Mohamed Ali Agi Ibrahîmu, ani baganmara ni mònni minisiri. Madamu Li Taheri Darawe olu tun be laje in kene kan. Mögoba wérew tun be kene in kan, i n'a fo Madamu Nbaranga Gasarabuwe, ale ye Pinidi / PNUD ka lasigiden ye Mali kono, ani bagan ni sogo jekuluba némogó Mali kono, Abubakari Ba.

Goferenaman ka kumalasela y'a jira ko Mali baganw jateboli min kera san 2016, o y'a jira ko misi hake ye 10.941.400 ye. Ba hake tun, ye

22.141.650 ye. So hake tun ye 549.270 ye. Fali hake tun ye 999.200 ye. Nögome hake tun be se 1.028.700 ma, ka je (le) hake ke 83.200 ye. O b'a jira ko an ka jamana ye baganmarajamanaba ye Afiriki tilebinyanfan na. A be joyoro filanan na Nizeriya kofe. Nka o n'a ta bée, bagan ni sogo tun ka kan ka nafa min lase Mali ni malidenw ma, o ma sirasoro a ne ma.

Kókanjago siratige la, baganw tun be joyoro 3nan na, minisiri ka fo la. Nka a san damado ye nin ye, o joyoro in bósira a la. Sanu de be ten kan bi, ka kóori tugu ale la.

Joyoro sabanan tilali baganw kókanjago, à sababuw ka ca jagoko minisiri ka fo la. A dòw ye bagan ladumunikenew dogoyaliye. Adofana yebaganw ka tilemakésirako géléyaw ye ani jintanya tilema fe.

Mali baganko ni sogoko tonba ka fo la, Abubakari Ba, Bagan ye faantan ka banki ye, faantanjamana ka banki fana don, a nafa ka bon jamanaden bée kan.

Pinidi / PNUD lasigiden ka fo la laje in kun ye ka feerew tige minnu b'a to bagan ni sogo soro be yiriwa,

faantanya kéléli kama Mali kono. A y'a sementiya ko n'i ye maliden sigi kème-kème, bi saba ka soro fanba be b'baganmara ni mònni na. A y'a jira ko san 2015, baganw laboli ka taa u feere kókan, o ye sefawari miliyari 115ladonjamana kono. Wolonigolow feereli dama benna miliyari 12 ma.

Mariamu F. Jabate
Mahamadu Konta

«AMAP» kintigi
Abudulayi Tarawele

Kanw kunnafonisèbenw
baarada kintigi
Janze Samake



BP : 24 - Telefon : 20-21-21-04
Kibaru Bugufiyé Bosola

Bamako - Mali
Sébennijékulu

Mahamadu Konta,
Dokala Yusufu Jara

Labugunyoro : AMAPU gafedilan
baarada

Fanga sinamatōnw ka kunnafonidilajεba jamana taabolo kan



Fanga sinamatōnw ka kunnafonilaje

Fanga sinamatōnw ye lajεba do sigi senkan, ntenendon okutoburukalo tile 23, san 2017, kunnafonidilaw ka soba la Bamako. Uka kumaw bolila jamana bilama cogoya kan : jamana cogoya hadaadenya na soroço siratige la, lakanako, kalanko, kunnafonidi labilali, mara kecogo, adw, ukumana o bεε kan.

Fanga sinamatōnw belebele bεε tun be kεne kan : Sumayila Sise, Iyeride/URD peresidan, fanga sinamatōnw ka nεmogø, Amadu Camu fana tun b'a kεne kan, ale ye

depite ye, Adepe/ADP Maliba peresidan don. Umaru Mariko tun be lajεinkεne kan, aleye Sadı peresidan ye. Mohamedi Yusufu Bacili, n'u b'a wele Arasibati, arajokumala don, ale fana tun be fanga sinamatōnw ka lajεba in kεne kan.

Nin nεmogø kelen-kelen ninnu bεε ye kuma ta, k'u fela fo jamana taabolo kan. U y'a jira ko demokarasi b'a diyagoya u kan, u ka fanga ka waleyaw segesegε, k'u finew fo, ka jamanadenwladonnaya, anika feεrew dantige minnu be se ka ke sababu ye

ka fura sorojamana gεleyawla. Depite Amadu Camu ye foli lase jεrejkulu «An tε, a banna» mōgøw ma, olu minnu ka wulikajo y'a to ni jamana kuntigi ye sariyasunba yεlemaniko bila kεrefe fοlø.

An ka jamana be dabolo min kan bi lakana sabatibaliya la, fanga sinamatōnw nεmogøw da ma dogo o la.. Faratiba donna jamana ka jεnamaya taabolo la, k'a sababu ke kεronfekεle ye; O kεfe, a ko juguyara ka taa a fε, fo ka jamana cεmanceyanfan fana sendon kεle la. A laban na, a tε kεra sa, jamana yεro si ma to yen bilen, binkanniawle, bandiyaw, sonyaliw ma se yεro min na, lakanabaliya ye jamana yεro bεε lajεlen labo. Fanga sinamatōnw nεmogøw y'a jira ko nin nεgøn gεleyaba tun ma deli k'an ka jamana soro fοlø kabini an y'an yεre ta.

U da sera Alizeri bεnkan ma, o waleyali be senkelentaama na, a tε ka bila, a tε ka taa nε, ajigitige barika be ka bonya.

Kalanko siratige la, fanga sinamatōnw da sera lakoliko ma. Ninan lakolita la, u y'a jira k'a fo ko lakoli so 500 ma se ka dayεl Kidali, Gwo, Tumutu, Moti ani Segu marabolow kono. Lakoliden 150.000 ka kalan be tijenibolokarto marabolo ninnu kono.

Fanga sinamatōnw da sera jamana segesegelikεlabā ka laseliw kono ma yuruguyuru damatεmε kan

jamana forobacakεdaw la. U y'a jira k'o ye taamasiyen ye min b'a jira ko jamana maralen tε, wa a labilalen don tijeniklaw ye, olu b'u k'u sage kε, utε se ka minε, kuma tek'u pangι.

Yuruguyuru, jamana nafolo sonyali n'a burujali be ka tijenī ni lajaba min lase jamana ma u da sera o fana ma. U y'a jira ko fanga m'a jo a jyɔrɔ la, n'o tora senna, o ye dagakolonci ani filenkolonci ye.

Gεleya min be Kariti NINA ko la, fanga sinamatōnw nεmogøw da sera o fana ma. Yuruguyurugubalabennen don u ka fo la kariti NINA ko la, bawo hake min namarala k'o fara a kan, o be se 900.000 ma. O b'a jira ko wote, nataw keli jelenya la ani bεn ni lafiya kono, gεleya be sοn ka don o la.

Fanga sinamatōnw nεmogøw y'a jira gofεrenaman na, k'a ye komini tωw, sεrekiliw ani marayɔrɔw konseyesigikalataw boloda ka bila san 2017 in desanburukalo la, k'o y'olu dabali kan, o balala u la. U y'a nini gofεrenaman fε, mōgø minnu si hake sera woteli ma, a k'olu tøgøw don kalatasεbenw kono, ani kariti «NINA» minnu b'u bolokɔrɔ, k'olu di u tigiw ma.

U ko fana ko gofεrenaman m'a ka keta ke ka nεsin malidenw ma minju sigilen be Alizeri jamana kan. Minεni ni genni ni lajaba minnu be ka dan olukan, a tun ka kan gofεrenaman ka wulikajøw kε o la, nka o fana ma kε.

Mamadu Si / Mahamadu Konta

Bawiyε Ture kεra Mali ntolatankο tonba nεmogø ye

Mamutu Ture, n'u b'a wele «Bawiyε», ale de sigira k'a ke Mali ntolatankο tonba nεmogø ye, n'o ye Federason ye.

Nin y'a san 4 ye, gεleya be Mali ntolatankο nεmogøw ni nεgønce. Biro kɔrɔ mōgøw, y'u jyɔrɔ labila. Olu ka nεmogøba, Ensipεkiteri Zenerali Bubakari Baba Jara, ale ko a tε peresidanya nini bilen sije fila. Peresidanya ninibaga jønjønw cayara :

Bawiyε Ture n'a ka mōgøw, Sala Babi n'a ka mōgøw ani Musa Konate n'a ka mōgøw.

Bεnbaliya kelen min tun b'u ni nεgøn ce kabini san 4, o gεleyaw nana u jo tuguni karidon, okutoburukalo tile 8 Bamako gofεreneri ka baarakεyørla, peresidan kura sigili baaraw daminεnen. Afiriki ntolatankο tonba

ka ciden kelen tun b'a kεne kan ani dñε ntolatankο tonba ka ciden 2, ka fara Mali farikolonenajeko minisiri ka cidenwkan. Marabolow ka ntolatankο nεmogøw ani jamana ntolantantōnw ka nεmogøw, olu ka mōgø yamaruyalenw fana tun b'a kεne kan. Nka gεleya caman donna karidon lajε in senkɔrɔ. Ben ma se ka ke fosi kan, baara taabolo si ma se ka sirasɔrɔ.

A laban na, Bamako gofεreneri y'a nini lajekεlaw fε, u k'ale ka yεro bila, u ka taa fan wεre. Afiriki ntolatankο tonba ni dñε ntolatankο tonba, olu ka cidenwdeselerka fura soro bεnbaliya in na, olu ye pankurunw ta ka taa u ka jamanaw kan. Olu tun y'a nini peresidan kɔrɔ ka to a nøna folø sann fura ka soro gεleyawla, nka lajekεlaw



ma sonø ma. Ola, a kεra diyagoya ye peresidan kura ka sigi; bawo yεro lankolon tε se ka to yen, o da man di

Mali ntolatankο la.

O dugusajε, lajekεlaw ye yεro wεre nini ba kεfe lotoli Olenpiki la, ka temε n'u ka baaraw ye. O tako filanan in na, Sala Babi n'a ka mōgøw ma sοnka na kεne kan, u y'a jira ko baara taabolo wεngεra, o'olu sagoye. Olu nabaliya ma lajε in bali ka ke. Jyɔrɔjøninina laban kεra mōgø kelen ye n'o ye Mamutu Ture ye.

Wotekela 57 la, 39 y'ale sugandi, ka nεmogøya di a ma.

A sigilen Mali ntolatankο tonba nεmogøya la, a ko a bεnε feεre bεε lajεlen tige, ka mōgø fara nεgøn kan ni bolodijøgønma samani ye tow fε, ka ntolatankο bø dingε kono.

Solomani Bobo Tunkara
Laji M. Jaabi
Mahamadu Konta

SAN 2017 OKUTOBURUKALO KIBARU KONO

- nε 2 : Jintanya be ka gεleya don Selenge barazi ka baara la
- nε 3 : Iziniko yiriwali minisiri taara a nε da Farakο tedilan izini kan
- nε 4 : Fekofø
- nε 5 : Kalankεne : Kumasensigi gεleyaw

Dukεne : Dijεlamini keko fοlø

Maakorøbaro : Ji numan

- nε 6 : Saheli 21 fε baaranøgønya be daminε ni balikukalan ye
- nε 7 : San 2015 kono, jamana bønøna sefawari miliyari 70,13 la